

Statistički podaci agencija iz Plana implementacije imovinskih zakona (PLIP) za mjesec mart 2003. god.

Prema statističkim podacima koje su danas objavile agencije iz Plana implementacije imovinskih zakona (OHR, UNHCR, OSCE, CRPC), sa krajem mjeseca marta 2003. godine na teritoriji cijele Bosne i Hercegovine riješeno je 78% zahtjeva za povrat imovine.

Implementacija imovinskih zahtjeva u Federaciji Bosne i Hercegovine dosegla je stopu od 82%; u Republici Srpskoj riješeno je 72% zahtjeva za povrat imovine, dok stopa implementacije u Distriktu Brčko iznosi 81%. Od ukupnog broja zahtjeva za povrat imovine odnosno 227.598 zahtjeva koji su podneseni u cijeloj zemlji, riješeno je približno 177.000 istih. Trenutno manje od 50.000 zahtjeva još uvijek čeka na rješavanje kod stambenih organa.

Agencije Plana implementacije imovinskih zakona (PLIP) su konstatirale da je do kraja mjeseca marta 28 općina završilo sa rješavanjem zahtjeva za povrat imovine koji su im podneseni.

Očekuje se u potpunosti da će svaka općina na cijeloj teritoriji Bosne i Hercegovine riješiti sve zahtjeve za povrat imovine prije kraja 2003. godine, i tako okončati neizvjesnost kojoj su još uvijek izložene hiljade građana koji još nisu u mogućnosti da izvrše povrat svoje imovine.

Nažalost, čini se da je nekoliko općina usporilo okončanje implementacije imovinskih zakona, jer unatoč zahtjevu za hronološkim rješavanjem slučajeva, neke od ovih općina ostavljaju najteže slučajeve za kraj, ili jednostavno odbijaju

da riješe posljednje neriješene imovinske zahtjeve. Agencije iz Plana implementacije imovinskih zakona (PLIP) su zabrinute zbog ove uznemirujuće pojave, te žele podsjetiti ove općine na njihovu obavezu da okončaju proces povrata imovine bez opstrukcija.